

FOLLETO MISA CON NENOS

23 de abril de 2023 PASCUA 3º-A

Lc. 24, 13-35: "Recoñecérono ao partir o pan".


Mensaxe: Os de Emaús, desde a fracción do Pan e a Palavra que fai arder o corazón, dinnos:

Cristo VIVE



Discípulos de Emaús

III Domingo
de Pascua



1. MONICIÓN DE ENTRADA

Irmáns e irmás: Cada domingo, igual que os primeiros cristiáns reunímonos como comunidade convocada por Cristo Resucitado, que celebra unida a súa presenza no medio de nós.

Hoxe, igual que os **discípulos de Emaús**, escoitaremos a palabra de Deus que nos iluminará os acontecementos da vida e alimentarámonos do seu Pan quente e partido no altar e servido para ser fortes na fe e testemuñas da esperanza. Cristo quedou connosco na Eucaristía para devolvernos a ilusión, a fe, a alegría e a esperanza. Digámoslle hoxe ao Señor: *Queda connosco, Señor, arde o noso corazón ao escoitar a túa PALABRA e recoñecémoste ao partir o PAN.*

(Podemos destacar unha biblia ou leccionario , un anaco de pan e unha xerra de viño onde segue vivo hoxe Xesús).

Sacerdote:

-No nome do Pai... Cristo Resucitado, que nos alimenta co seu Pan e a súa Palabra, sexa convosco.

2. ASPERSIÓN OU SÚPLICAS DE PERDÓN

--Do mesmo xeito que no Domingo pasado, seguimos revivindo a luz, a vida, a alegría da Pascua de Resurrección. O Bautismo que todos recibimos imos simbolizar coa auga que, o sacerdote, deposita sobre as nosas cabezas. Renovemos o noso amor a Xesucristo. Dícímoslle que El é o máis grande que temos. Cando o sacerdote pase á beira de nós, en sinal de respecto, inclinemos un pouco as nosas cabezas.

(O sacerdote asperxe con auga bendita aos presentes).



-(Se non se fai a aspersión) Sacerdote: - Dispoñámonos ao encontro con Xesús nesta celebración da Eucaristía, como o fixeron os discípulos de Emaús. Pidamos perdón das nosas faltas, da nosa fe vacilante, E da nosa dureza de corazón para acoller e practicar a mensaxe evanxélica de Xesús:

* **Catequista:** Ti que sentas connosco á mesa para partirnos o pan da eucaristía. Señor, ten piedade de nós.

* **Neno/nena:** Ti, que nos regalas a túa Palabra que nos axuda a atopar luz nas nosas vidas. Cristo, ten piedade de nós.

* **Pais:** Ti que enches o noso corazón de esperanza e de ganas de seguirte. Señor ten piedade de nós.

3. MONICIÓN ÁS LECTURAS

Neste terceiro domingo de Pascua, as lecturas ensínannos o que é ser cristián: atoparse con Cristo resucitado. Tamén nós somos “discípulos de Emaús”, somos convidados a acoller ao resucitado como compañeiro de camiño, somos convidados a acollelo na Palabra e na fracción do pan. Así seremos capaces de anunciálo e de ser as súas testemuñas.

LECTURAS

FEITOS 2, 14.22-33: *Non era posible que a morte o retivese baixo o seu dominio.*

SALMO 15:

Señor, ensínarame o sendeiro da vida.

I PEDRO 1, 17-21: *Fostes liberados cun sangue precioso, como o dun año sen mancha, Cristo.*

LUCAS 24, 13-35: *Recoñecérono ao partir o pan.*

Narrador: Á noitiña daquel día, o primeiro da semana dous dos discípulos de Xesús ían camiñando a unha aldea chamada Emaús, distante de Xerusalén uns sesenta estadios; ían conversando entre eles de todo o que sucedera. Mentres conversaban e discutían, Xesús en persoa achegouse e púxose a camiñar con eles. Pero os seus ollos non eran capaces de recoñecelo. El díxolles:

Xesús: -«Que necios e torpes sodes para crer o que dixeron os profetas! Non era necesario que o Mesías padecese isto e entrase así na súa gloria?».

Narrador: E, comezando por Moisés e seguindo por todos os profetas, **explicoulles o que se refería a el en todas as Escrituras.** Chegaron preto da aldea onde ían e el simulou que ía seguir camiñando; pero eles apremárono, dicindo:

Discípulo: -«*Queda connosco, porque atardece e o día vai de caída*».

Narrador: E entrou para quedar con eles. Sentado á mesa con eles, tomou o pan, pronunciou a bendición, partiuno e íallo dando. A eles abríronselles os ollos e recoñecérono. Pero el desapareceu da súa vista. E dixerónse o un ao outro:

Discípulo: -«*Non ardía o noso corazón mentres nos falaba polo camiño e explicábanos as Escrituras?*».

Narrador: E, levantándose naquel momento, volvéronse a Xerusalén, onde atoparon reunidos os Once cos seus compañeiros, que estaban a dicir:

Apóstolos: -«*Era verdade, resucitou o Señor e apareceuse a Simón*».

Narrador: E eles **contaron** o que lles pasara polo camiño e como **o recoñeceron ao partir o pan.** Palabra do Señor.


Palabra del Señor.

Narrador-Xesús-Discípulo-Apóstolos

4. ORACIÓN DOS FIEIS

Sacerdote: *A Xesús resucitado, que se fai presente cada domingo entre nós na Palabra e no Pan dicímoslle:*

-Queda connosco Señor.



1. **Pola Igrexa.** *Para que nos faga vivir con alegría desbordante este tempo da Pascua. Oremos.*
2. **Polos que teñen dúbidas.** *Polos que perderon ao Señor e viven tristes. Oremos.*
3. **Polos pobres.** *Polos que non teñen o imprescindible para vivir ou ser felices. Oremos.*
4. **Polos que nenos de primeira comunión e os de confirmación.** *Para que vivan este tempo ilusionados por coñecer máis e mellor a Xesucristo. Oremos.*
5. **Para que non esquezamos nunca a misa dos domingos.** *Sen ela debilitámonos e deixamos que morra a nosa fe. Oremos.*
6. **Polos que preparamos o noso corazón ao mes de maio, da Virxe.** *Para que lle recemos todos os días e lle mostremos o noso amor seguindo a Xesús. Oremos.*

Sacerdote: *Pai, concédenos o agasallo de atoparnos con Cristo resucitado cada domingo. Por XCNS.*



5. PROCESIÓN DE OFRENDAS

-SONRISA:

Con este sorriso queremos simbolizar a alegría da Pascua cristiá. Que se note, nas nosas palabras e actitudes, que CRISTO é importante nas nosas vidas.

-LECCIONARIO E UN PAN:

Ao ofrecerche o libro de lecturas da misa e un anaco de pan queremos dicirche hoxe que te sentimos presente cada domingo no medio de nós e que tamén a nós hoxe árdenos o corazón ao escoitar a túa PALABRA e recoñecémoste ao partir o PAN.

-PAN E O VIÑO:

Co pan e o viño (as auténticas, únicas e verdadeiras ofrendas eucarísticas) levamos ata o altar o noso desexo de mellorar as nosas relacións con Deus. Que o saibamos recoñecer, valorar e coidar máis na eucaristía de cada domingo.



6.- ORACIÓN DE GRAZAS

Queda connosco

Ti que fixeches camiño connosco
ti que te achegaches ás nosas dúbidas, aos nosos
temores,
aos nosos desánimos: QUEDA CONNOSCO!

Ti que nos abriches a Escritura
e coa túa palabra e a túa presenza
fixeches arder o noso corazón: QUEDA
CONNOSCO!

Ti que aceptaches non abandonarnos ao declinar o
día,
ti que compartiches o noso teito
e partiches para nós o pan: QUEDA CONNOSCO!

Ti que nos devolviches o ánimo
e fixeches renacer en nós o gozo;
ti que nos envías a anunciar aos que teñen medo,
que nos precedes no camiño
e prepárasnos unha mesa: QUEDA CONNOSCO!

O teu corpo é o pan que nos congrega,
o teu sangue é o viño da nosa festa:
ao reunimos no teu Nome,
a túa Eucaristía convértese para nós
en esperanza dunha vida sempre nova.
QUEDA CONNOSCO!

**FELICES PASCUAS DE
RESURRECCIÓN**